

3. oktober 2023

UKA2023/24

Uunga siunnersuut Kalaallit Nunaanni pasinapiluttumik kalerriisunik illersuineq pillugu Inatsisartut inatsisaat

(Aningaasaqarnermut Akileraartarnermullu Naalakkersuisoq)

Siullermik Siumumiik Aningaasaqarnermut Akileraartarnermullu Naalakkersuisoq qutsavingerusupparput, Kalaallit Nunaanni pasinapiluttumik kalerriisunik illersuineq pillugu Inatsisartut inatsisissaanut siunnersuutaanut.

Siumumiik pingaartippaput Sulisartut, namminersortuniippata, pisortalluunnit suliffeqarfiutaaniippata, toqqissillutik, inatsisitigullu illersungaallutik pasinapiluttoqartillu kalerriisinnaanissaat.

Siumumiik eqqumaariffingaaput aammalu Siumukkormioqatitsinnik qineqqusaarutaanikuulluni, eqqaamassuarpummi Nunatsinni suliffeqarfinni Namminersorlutik oqartussat pigisaanni pasinapiluttumik kalerriinerit inunnut attuumassuteqartunut ajornaatsuinnaasimarpalunngimmat. Taamaattumik uteqattaarinnigkkaularluta pisimasunik, nuannaarutingaaput Nunatsinni aamma Naalakkersuisut, Inatsisartut siunnersuuteqarsimanerat naapertorlugu inatsisissatsinnik sanasimammata.

Inatsisissaq imartuvoq aammalu nunanik allanik sanilliussilluni suliaangami, pitsaasumik aammalu nunatsinnut tulluarsakkatut sanaajuvoq. Takutiinnarpaa qanoq pingaaruteqartigisoq Nunatsinni inatsisit nammineq sanangaangatsigit aamma torrallaasinnaasartugut.

Siumumiik tusarniaanermi akissuteqarsimasut qutsavingerusuppagut, inatsisissammi suliaritillugit atuangassarpaalussuusarput, soqutigisaqatigiinniillu immersuutaasartut pitsaasumik aamma eqqarsalersitsisarput. Takusinnaavarpullumi aamma Naalakkersuisut inatsimmik allannguilaarsinnaasartut, tusarniakkat isummersuutaat naapertorlugit. Siumumiik tamanna nuannaarutingaaput, tamammi oqartussaanagerat takutittarpaa Nunatsinni pitsaasumik aamma ingerlasoq.

Siumumiik maluginiarsimasatta ilagivaat suliffeqarfiit 30 inorlugit sulisullit pisussaaffilerneqanngittut aammalu soqutigisaqatigiit ilaasa tamanna uparuarsimangaat. Siumumiik isumaqarpugut tamanna ataatsimiisitaliami eqqartorneqarluarumaartoq. Tassami eqqarsaataasinnaavoq sulisut amerlassusaannaa pinnagu aamma nalilersuutit allat atorneqarsinnaasut, soorlu aningaasanik kaaviaartitat, selskab- inut allanut piginneqataassutsit, kukkunersiuerniluunnit suliffeqarfiup inissisimaffia. Aap takusinnaavarput Naalakkersuisut tamanna nalilersorsinnaangaat, kisianni neriuppugut Siumumiik siunnersuutigut ataatsimiisitaliap aammalumi Naalakkersuisup eqqumaariffigilaarsinnaassangaat. Pingaaruteqarpormi inuit amerlanerpaat una Inatsisissaq iluaqutiginnaassangaat, taavalu aamma suliffeqarfiit isumaliupallussinnaanerannut killiliisinnaassallutik.



Naatsumik Siumumiik tassa oqaasissagut, neriuppugullu Inatsisinut Ataatsimiisitaliami suliarilluarneqarumaartoq.

Kuno Fencker, Siumut